

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U BANOVIĆIMA
Broj: 127 0 Pr 082065 25 Zm 2
Banovići, 16.05.2025.godine

Općinski sud u Banovićima, sudija Jasminki Radunović-Kostić, uz učešće zapisničara Ikanović Ajiše, rješavajući po Izvještaju o izvršenju zaštite mjere MUP-a TK-a, PU Banovići : broj: 08-06-/13-2-03.4-439/25 od 13. 05.2025.godine, zaprimljen u sud dana 16.05.2025.godine za produženje zaštitnih mjera učinocu nasilja u porodici na osnovu člana 8. stav 1. Zakona o zaštiti od nasilja u porodici i nasilja prema ženama u F BiH („Službene novine F BiH“ br. 19/25), radi produženja zaštitnih mjera iz člana 26. stav 1. tačka a., b. i c. i člana 35., 39., 40 a) a u vezi sa članom u 42. Zakona o zaštiti od nasilja u porodici i nasilja prema ženama u F BiH, dana 16.05.2025.godine, donio je sljedeće

RJEŠENJE

R.V., sin **Š.** i majke **K.**, rođene **K.**, rođen ... u **T.**, nastanjen u ..., općina **B.**, **B.**, državljanin BiH, “(...)“, JMBG:... .

Što je:

Dana 08.02.2025.godine u 08:00 sati NN ženski glas putem telefona prijavila da je došla do saznanja da je tokom noći 07./08.02.2025.godine u naselju ...i, općina **B.**, u porodičnoj kući od **E.S.** došlo do fizičkog napada od strane **R.V.**, a gdje je ista u porodičnoj kući navodno psihički uznemiravao i fizički nasrtao na svog osu **E.S.** i majku **L.A.**.

Po navedenoj prijavi postupili policijski službenici PS Banovići koji su obavili razgovor sa **E.S.** i **L.A.** koji su tom prilikom izjavili da još od kraja prošle godine njihov sin **R.V.** vrši učestalo psihičko nasilje nad istim „galamom i vikom, te da svoju majku **L.A.** konstatno naziva kurvom i prisiljavajući ih da piju leksaurine protivno njihovom odobrenju. Isti su naveli da ih je **R.V.** znao prisiliti da u toku dana popiju po 4 leksaurina, a da je u proteklom vremenu majku **L.A.** znao fizički zlostavljati na način da ju je poljevao vrelom vodom. **E.S.**, inače “(...)“, je dodao da je njegov sin **R.V.** u posljednje vrijeme izuzetno agresivan, da ne dozvoljava njemu i njegovoj supruzi a svojom majci **L.A.** da spavaju tokom noći, da moraju slušati ono što on priča. **E.S.** je dalje izjavio da se on i njegova supruga boje za svoju sigurnost. Patrola policije je, postupajući po navedenoj prijavi, obavila razgovor i sa **C.E.** (sestra **E.S.**) koja je izjavila da je u jutarnjim satima čula vrisku i galamu u kući svog brata **E.S.** te da je čula kako **L.A.** govori svom sinu **R.V.** da je više ne udara. Ista je također dodala da je **R.V.** i nju napao nakon što se pojavio na vratima njene kuće i tražio šećer, a ona mu izjavila da nema šećera, i to na način da je fizički nasrnuo na nju odgurujući je. iz čega proizilazi osnovana sumnja da je počinio radnju nasilja u porodici iz člana 7. stav 1. tačka 1, 2, 3, 4, i 5.) Zakona o zaštiti nasilja u porodici prema članu porodice pa mu sud, na osnovu člana 9. stav 1. tačka 1., 2., 3. i 4., te člana 11., 12., 13., i 14. istog Zakona

IZRIČE

1. R.V. produžava se **ZAŠTITNA MJERA UDALJENJE IZ STANA** ili nekog drugog stambenog prostora i **ZABRANA VRAĆANJA U KUĆU** ili neki drugi stambeni prostor **u trajanju od 6 (šesti) mjeseci**. R.V. **JE DUŽAN ODMAH NAPUSTITI KUĆU** ili neki drugi stambeni prostor **uz prisustvo policijskog službenika** a ključeve od kuće - objekta iz kojeg se udaljava preda žrtvi nasilja R.V. ili drugom prisutnom licu koje će ih predati žrtvi nasilja a sve u skladu sa članom 27. stav 1. i stav 2. i člana 28. Pravilnika o načinu provođenja zaštitnih mjera za počiniocce nasilja u porodici koje su u nadležnosti policije „Službene novine F BiH“ br. 9/06 ,20/13)
2. R.V. produžava se **ZAŠTITNA MJERA ZABRANE PRIBLIŽAVANJA ŽRTVI NASILJA** svom ocu i majci E.S. i L.A. na svim javnim mjestima, mjestu boravišta i mjestu stanovanja na udaljenosti koja predstavlja opasnost za osobu izloženu nasilju, a najviše do 100 metara u trajanju od 12 (dvanaest) mjeseci.
3. R.V. produžava se **ZAŠTITNA MJERA ZABRANE UZNEMIRAVANJA ILI UHOĐENJA OSOBE IZLOŽENE NASILJU** oca i majci E.S. i L.A. u trajanju od 12 (dvanaest) mjeseci i to na svim javnim mjestima i na adresi stanovanja, odnosno u stambenoj jedinici u kojoj žrtve nasilja stanuju, te da se na bilo koji način i bilo kada obraća N.B..

Izrečene zaštitne mjere provest će MUP-a TK-a, PU Banovići.

Izrečene zaštitne mjere počinju teći od dana donošenja rješenja.

Žalba na ovo rješenje ne odlaže izvršenje rješenja.

Troškovi postupka padaju na teret budžetskih sredstava.

Obrazloženje

Rješenjem ovog suda broj: 127 0 Pr 082065 25 Pr od 08.02.2025. godine sud je R.V., izrekao zaštitnu mjeru udaljenje iz stana ili nekog drugog stambenog prostora i zabrana vraćanja u kuću ili neki drugi stambeni prostor u trajanju od 30 dana, zabranu približavanja žrtvi nasilja te zaštitnu mjeru zabrane uznemiravanja i uhođenja osobe izložene nasilju u trajanju od po 3 (tri) mjeseca,

Izveštajem MUP-a TK-a, PU Banovići od 05.03.2025. godine, 07.04.2025.godine obaviješten je sud o kršenju mjera od strane R.V. a izveštaj broj: 08-06-/13-2-03.4-439/25 od 13. 05.2025.godine, traženo je produženje mjera izrečenih od strane ovog suda.

Sud je zakazao raspravu na koju je pristupio predstavnik ovlaštenog organa S.S., koji je uvodnom izlaganju navodi, da ostaje u cijelosti kod prijedloga

za produženje zaštitnih mjera izrečenih putem predmetnog izvještaja o izvršenju zaštitnih mjera izrečenih licu R.V., a pomenuti prijedlog je iskazan u skladu sa članom 42. važećeg Zakona o zaštiti od nasilja u porodici i nasilja nad ženama u F BiH i da se produže postojeće mjere.

Obzirom da je zaštitna mjera udaljenja iz stana istekla dana 08.03.2025.godine, shodno odredbi člana 26. stav 1. tačka 1., u vezi sa članom 42. Zakona tražimo da se izrekne mjera udaljenje iz stana iz kuć, i drugog stambenog objekta, stana i kući ili dr. stambenih prostora, pod tačkom b. istog člana zabrana približavanja žrtvi nasilja i pod tačkom c. zabrana komunikacije uznemiravanja ili uhođenja žrtve nasilja te predlaže da se istom izrekne duži rok trajanja predloženih mjera, obzirom da ih je nasilno lice kontinuirano kršilo, te je navedeno lice i u prethodnom periodu bilo pod mjerama zabrane koje je takođe kršio, čime pokazuje volju za kontinuiranim nasiljem, zbog čega traže produženja mjera koje su istekle.

Nakon provedenog postupka, sud je ocijenio da je opravdan zahtjev za produženje mjera R.V., zbog čega je donio odluku kao u izreci rješenja.

S u d i j a
Jasminka Radunović-Kostić

Pouka o pravnom lijeku:

Protiv ovog rješenja može se izjaviti žalba Kantonalnom sudu u Tuzli u roku od tri (3) dana od dana dostavljanja rješenja. Žalba se podnosi putem ovog suda u dva (2) istovjetna primjerka. Žalba ne odlaže izvršenje rješenja.